



# نسخ وادستان

جلد ۱۳۳۶

مجموعه خطی  
۱۳۳۶

زهره زهرای آسمان بلاغت عادله سلطان حضرتلرینک  
نظیره استادانه لری

لب ورخساری کوردم اولدی جسم ناتوان آتش  
کل افشان اولیجق اولور زمین و آسمان آتش  
عجیبی اولسه دل عشق ایله دایم یانار برطاغ  
دل آتش، سینه آتش، داغ برداغ نهان آتش  
کوره لی آفتاب وجهک ای شامم کوکل سوزان  
می آتش، مجلس آتش، ساغر آتش، جسم و جان آتش  
فتیل افروز باروت قرارم اولدی کیتدکجه  
خیال شمع رخسارکله چشم دیده بان آتش  
تولور سوز درونم آشکار ایتسم او دلداره  
درونم خانه سنده یاقدی حسرت هر زمان آتش  
دینور عشاقه صبر ایتمک کرک، طاقتمی وار اما  
هوای عشق ایله طوتمقدم سینه مده مکان آتش  
همان یان (عادله) قاچه بونارک نور اولور برکون  
جگر آتش، قان آتش، قلب آتش، هم جهان آتش



قانونی سلطان سلیمان خان حضرتلرینک دیگر غزل

شاهانه لری

دوستم شیرین کلامک شهد وشکردن لذید  
کورینور کلکون رخک بکا کل تردن لذید  
پادشاه تحفه ایتدم جانمی ایله قبول  
چونکه یانمده بنم یوق جان ایله سردن لذید

شمعه باق ، پروانه لر وارین یاقوب ایلر فدا  
یوغیکن یاننده آنک بال ایله پردن لذید  
سرو کبی صالئوب عرض جمال ایتسه نکار  
نسنه کورنمز بکا اول زلف عنبردن لذید  
مخزن دلدن چیقاردک ینه سوز کوهرلرین  
اولدی سوز اهلی یاننده در و کوهردن لذید  
قدرتینه کوره هرکس نرم ایدر بالینی  
لیک کورنمز بنم کوزیمه اول دردن لذید  
شاهبازم آوین آلمش، باشنه شهر طاقار [۱]  
خوش یراشمش باشنه اولمایه اول پردن لذید  
ای ( محبی ) دل مذاقی زهر غمدن تلخدر  
دفعنه آنک بولنمز باده تردن لذید

## بوغزل سلیمانی به دخی عادله سلطان حضر تلرینک نظیره بلیغانه لری

عاشقه برنسنه یوقدر لعل دلبردن لذید  
ذکریار اولدی آنکه چون شیر وشکردن لذید  
عشقدر سرمایه عزمتاع وصل یار  
کیم کالور اربابنه اول تاج و افسردن لذید

[۱] شویت سلیمانی ده ، باشه شهر طابق ، آوینی آلان شاهبازلره مخصوص  
اولدینی بیان بیورلسنه وقدم زماندن بری پادشاهلرک تاج اقباللرنده شهر  
بولنسنه و بیچون شهر طاقده اولدقلرینکه سبی تاریخاً بیلنامکده اولسنه نظراً  
های اقبال سلطنتی سید ایدرک واصل مرام اولدقلرینه علامت اولق اوزره  
تعلیق اولنمده اولدینی مستفاد اولمده در بونک تاکیقباد زمانلرینه قدرک قدیم  
برعادت اولدینغی مثلاً نفی مک سلطان مراد رابع حقنده اولان شو بیتی کبی  
قدیم شاعرلرمرک برچوق آثاری کوستریور .

اول جهاتبان عظیم الشان که لایقدر اکر  
اولسه چاروب دری پرکلاه کیقباد